



**V**Dalfridus in bonis literis à teneris annis optime educatus fuit. Itaque is in uirum doctum & prudentissimum sui temporis euasit. Vnde cum Erkenaldus praesul Eystetensis fato functus esset, omnium consensu nonus eius Ecclesiae Episcopus electus est. Eam etiam functionem magna pietate & dexterritate longo tempore administrauit. Vnde Caesaribus Arnolpho, Corado, & Heinrico .i. inter consiliarios receptus, gratissimus fuit. Itaque eius Episcopatum ob antistitis mirabiles uirtutes multis priuilegijs exornarunt, atque ei potestatem fecerunt cudendi monetam. Eo tempore Hunni grauiter pios persequerantur, & uastabant Germaniam. Vnde pius praesul exules recepit, atque protexit. Impiis etiam quantum potuit restitit. Cum hoc modo per 31. annum optime suam Ecclesiam administrasset, tandem anno 933. mortuus, Starhandum successorem habuit. Anonimos.